

24.06.2002

Ingrao: Tesko je postići krajnji cilj Tribunala - prihvatanje krivice, 24/6/02. - 2002-06-24

Koliko god da sam zabrinut zbog nesuradnje Republike Srpske, još sam više zabrinut zbog razloga iz kojih je to tako. A to je, generalno gledajući, rašireno i intenzivno protivljenje većine, ne samo bosanskih Srba, već i Srba iz Jugoslavije, samoj instituciji Tribunala. Čak i u slučaju da RS isporuči tražene optuženike, još uvijek nije postignut krajnji cilj podizanja optužnica i izricanja presuda, ukoliko ljudi nastave odbijati da prihvate presude smatrajući ih nepravednim i Haški tribunal i dalje budu shvatali kao pristrasan i protiv Srba.

VOA: Na konstataciju da su sve tri strane u ratu vršile zločine, profesor Ingrao dodaje;

INGRAO: Sve četiri strane su vršile zločine, moram uključiti i Albance, jer je zasigurno nakon rata 1999 godine bilo zločina počinjenih u najmanju ruku od male grupe individua, iako je teško je reći da li su zvaničnici bivšeg kosovskog UČK dirigirali tim zločinima počinjenim nad Srbima na Kosovu. Činjenice kojima raspolažemo danas, a koje vjerovatno trebaju biti potvrđene iscrpnom istragom, sugeriraju ipak da je režim Slobodana Miloševića, jer se radilo o jednoj vladi koja je imala na raspolaganju različite izvore i sredstva, prednjačio u broju počinjenih zlodjela u odnosu na zločine koje su počinile ostale tri strane. Jedna stvar koja me razočarala što se tiče dostizanja pravde u regionu, na terenu, posebno kada je riječ o RS i Srbiji, a isto tako na Kosovu i Federaciji BiH, jest da je osobama koje su izvedene pred lokalne sudove suđeno na osnovu različitih standarda u zavisnosti od njihove etničke pozadine. Mislim da nismo ni blizu u postizanju pravde, na primjer u slučaju kosovskih Albanaca koji su počinili zločine, a kojima se sudi na albanskim sudovima. Mislim da ljudi na cijelom području centralne Evrope moraju shvatiti i prihvatiti to da se u demokraciji isti standardi moraju primjenjivati na sve strane. Treba proći najmanje

nekoliko godina, a možda i više od toga, dok ove 4 strane ne budu u mogućnosti sagledati zločine koje su počinili i u jednom širokom demokratskom okviru ne kažu ko je počinio ta zlodjela .Zato je Haški tribunal važan, jer ja više vjerujem sudiji iz Japana, Argentine ,Nigerije ili Kanade , nego nepristrasnosti sudija sa Kosova, BiH, Hrvatske ili Srbije.

VOA: Na molbu da prokomentira američki prijedlog o zatvaranju Haškog tribunala do 2008. godine bivši savjetnik Vijeća za nacionalnu sigurnost američke vlade kaže:

INGRAO: Mislim da su predsjednik Bush i ambasador za ratne zločine Pierre Proseer izrekli takve stavove pretpostavljajući da će se Karadžić i Mladić do tada uhapsiti. Ako se do tada ne isporuče, ja ne mogu ni zamisliti da će američka vlada, bilo da je predsjednik Bush na čelu ili njegov nasljednik, insisitirati na zatvranju Tribunala. Mislim da je nezamislivo zatvoriti haški tribunal prije nego se oni ne izvedu pred lice pravde.-kaže na kraju razgovora Richard Ingrao, profesor istorije na univerzitetu Indiana i bivši visoki zvaničnik američke administracije.